



Sabtu, 08 Juni 2024

Ogen: 2 Raja-raja 2:19-22



"Jaga Kebersihan Lau"



Tanggal 8 juni hari laut sedunia. Bage me pentingna lau seh maka internasional netapkan sada wari lako mperingeti hari laut. Lau jadi sada hal si penting kel nandangi kegeluhen manusia, bahkan daging kulanta enda \pm 70% isina lau. Hal enda nuduhkenca maka lau e me salah sada sumber penting nandangi geluhta. I bas kitab Yehezkiel 47:9 isuratken "*Kujapa pe lau e maler, melala i je rubia-rubia ras nurung. Lau e mahanca maka lau si lit i lawit Mate jadi malem, janah ku japa pe ia maler, i je minter lit kegeluhen*". Kalimat i bas ayat enda mabai kita maka bage pentingna lau nandangi kegeluhen manusia. Jesus pe ngataken i bas Johanes 4:10 maka ise si mindo lau man baNa maka i berekenNa me lau si mereken kegeluhen.

I bas 2 Raja-raja 2:19-22 tanda kuasa simbelin ibahan Elisa, nuriken kerna lau si la mehuli i kuta Jeriho seh maka melala diberu-diberu singinem lau e keguguren. Tanda sengget si ibahan Elisa e me, alu namaken sira ku sada mangkuk, i babana ku ulu lau e jenari i pepalerna arah ulu e gelahna maler ku ingan-ingan penampungan lau bangsa e. Arah peristiwa e lau sindube la mehuli salih jadi lau si mereken kemalem; lanai lit kematen ntah pe keguguren. (ayat 21).

Pengalaman penulis, pernah la reh lau ku rumah hampir sada bulan erkiteken lit perbaikken. Erkiteken si e, terpaksa me nukur lau tiap wari. Erkiteken bage pentingna kal lau nandangi kegeluhenta e maka perlu kal si jaga kebersihan lau e; tentunya salah sada lako mbersihkenca e me ula mbuang sampah ku parik entah pe ku lau. Jenari pakelah lau alu seperluna, ula i buang-buang. Njaga kebersihan lau ertina kita ikut terlibat lako njaga kegeluhen i doni enda, sebab kerina tinepa Dibata perlu lau. Rubia-rubia perlu lau; batang kayu rikut pe ras sinuan-sinuan kerina perlu lau.